

**ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀՅՈՒՄԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅՈՒՆ
Ո Ր Ո Շ ՈՒ Մ**

վարչական գործի վարույթը կարճելու մասին

25 օգոստոսի 2023թ.

ք.Գյումրի

Ես՝ Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հարություն Ազգալոյանս, քննելով Վրաստանի Հանրապետության քաղաքացի Գիորգի Սանիկիձեի (անձնագիր՝ 15BA02572, հասցե՝ Վրաստանի Հանրապետություն, ք.Բաթումի, Մցելիշվիլի 75-7) կողմից մաքսային կանոնների խախտման վերաբերյալ գործը.

Պ Ա Ր Զ Ե Ց Ի

Գիորգի Սանիկիձեն 02.07.2023 թվականի թիվ 05100022/020723/0022627 TT/IM տեսակի տարանցման հայտարարագրով ՀՀ տարածք է ներմուծվել ապրանքներ ըստ փոխադրման փաստաթղթերի, որի նշանակման մաքսային մարմին՝ «Արմենիա» միջազգային օդանավակայաններ» ՓԲԸ հասցնելու վերջնաժամկետը 12.07.2023 թվականն էր:

Մաքսային հսկողության ներքո գտնվող ապրանքները և ուղեկցող փաստաթղթերը Հայաստանի Հանրապետության մեկ մաքսային մարմնից մյուս մաքսային մարմին սահմանված ժամկետում չեն հասցվել:

Փաստի առթիվ ՀՀ ՊԵԿ Հյուսիսային մաքսատուն-վարչության Բավրայի մաքսային կետ-բաժնի 4-րդ բաժանմունքի պետ Սպարտակ Սարոյանի կողմից 17.07.2023 թվականին Գիորգի Սանիկիձեի նկատմամբ կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 305-րդ հոդվածով նախատեսված մաքսային կանոնների խախտման հատկանիշներով:

Գործի քննությունը նշանակվել է 25.08.2023 թվականին ժամը 16:30-ին: Արձանագրության և ծանուցագրի օրինակը պատշաճ կարգով ուղարկվել է կողմին:

Առաջնորվելով ԵՏՀ կոլեգիայի 13.12.2017թ. թիվ 170 որոշման 2-րդ կետով հաստատված «Մաքսային տարանցում» մաքսային ընթացակարգի գործողությունն ավարտելու կամ դադարեցնելու հետ կապված մաքսային գործառնությունների իրականացման կարգով, ինչպես նաև ՀՀ ՊԵԿ նախագահի 12.03.2021թ. թիվ 5-Հ հանձնարարականով՝ հետագա ընթացքն որոշելու համար, 17.07.2023թ. թիվ Ն/27.4/135430-2023 գրությամբ ՀՀ ՊԵԿ արևմտյան մաքսատուն-վարչություն է ուղարկվել Բավրայի մաքսային կետ-բաժնում «Մաքսային տարանցում» ընթացակարգով լրացված հայտարարագիրը: ՀՀ ՊԵԿ արևմտյան մաքսատուն-վարչության 19.07.2023թ. թիվ Ն/21-2.1/137401-2023 գրությամբ հայտնվել է, որ թիվ 110720231651 ավիաբեռնագրով թիվ 05100022/020723/0022627 տարանցման հայտարարագրով 11.07.2023թ.-ին «Արմենիա» միջազգային օդանավակայաններ» ՓԲԸ-ի «Կարգո» բեռնային համալիրի պահեստ փաստացի մուտք է եղել 137 կգ ընդհանուր քաշով բեռ: Առաջացած ծրագրի տեխնիկական խնդիրների պատճառով ՀՀ ԱՐՏԱՔԻՆ ԱՌԵՎՏՐԻ ԱԶԳԱՅԻՆ ՄԵԿ ՊԱՏՈՒՀԱՆ համակարգում վերոհիշյալ տարանցման հայտարարագիրը չէր ստացել «ավարտված» կարգավիճակ: Վերոհիշյալ տարանցման հայտարարագիրն «ավարտված» կարգավիճակ ստացել է 18.07.2023թ.:

«Մաքսային կարգավորման մասին» ՀՀ օրենքի 305-րդ հոդվածի 1-ին մասի համաձայն՝ մաքսային հսկողության ներքո փոխադրվող ապրանքները կամ տրանսպորտային միջոցները կամ դրանք ուղեկցող փաստաթղթերը մաքսային մարմին չհասցնելը, մաքսային մարմնի սահմանած մաքսային տարանցման ժամկետը կամ տարանցման երթուղին չպահպանելը կամ ապրանքները կամ տրանսպորտային միջոցները մաքսային մարմնի սահմանած առաքման վայրից տարբերվող այլ վայր հասցնելը՝ առաջացնում է տուգանք՝ հարյուր հազար դրամի չափով:


Հաշվի առնելով այն հանգամանքը, որ Գիորգի Սանիկիձեն սահմանված ժամկետում ներմուծված ապրանքները և ուղեկցող փաստաթղթերը ներկայացրել է մաքսային մարմիններին, ուստի գտնում եմ, որ Գիորգի Սանիկիձեի գործողություններում բացակայում է իրավախախտման կազմը:

Հիմք ընդունելով ՀՀ Վարչական իրավախախտումների վերաբերյալ օրենսգրքի 32-րդ և 234-րդ հոդվածները, «Մաքսային կարգավորման մասին» ՀՀ օրենքի 305-րդ, 322-րդ և 334-րդ հոդվածները.

Ո Ր Ո Շ Ե Ց Ի

1. Գիորգի Սանիկիձեի նկատմամբ վարչական գործի վարույթը կարճել իրավախախտման կազմի բացակայության պատճառաբանությամբ:
2. Որոշման մասին հայտնել Գիորգի Սանիկիձեին:

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ՀՅՈՒՍԻՍԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ
ՊԵՏ' ՀԱՐՈՒԹՅՈՒՆ ԱԶԳԱԼԴՅԱՆ



Որոշման օրինակը _____ հավելվածներով 3 (երեք) էջերի վրա ստացա.

(իրավախախտում կատարած անձի անունը, ազգանունը, հայրանունը կամ տվյալ անձի
ներկայացուցչի անունը, ազգանունը, հայրանունը և լիազորությունը հաստատող
փաստաթղթի տվյալները)

(ստորագրություն)

« _____ » _____ 2023թ.
(որոշման օրինակի ստացման ամսաթիվը)

Ծանոթություն. Սույն որոշմամբ նշանակված փույթի գումարը ենթակա է վճարման Կենտրոնական գանձապետարանի №900005024055 հաշվեհամարին **28** ծածկագրով:
Սույն որոշումն անբողոքարկելի դառնալուց հետո «Վարչարարության հիմունքների և վարչական վարույթի մասին» օրենքի 88-րդ հոդվածով սահմանված կարգով և ժամկետներում ուղարկվում է Հայաստանի Հանրապետության հարկադիր կարարումն ապահովող ծառայություն:
Եթե առկա են վերցված ապրանքներ, դրանք վերադարձվում են «Մաքսային կարգավորման մասին» ՀՀ օրենքի 335-րդ հոդվածով սահմանված կարգով և ժամկետներում: